

**Corpus Juris Canonici, Per Regulas Naturali Ordine
Digestas, Usuque Temperatas, Ex Eodem Jure, Et
Conciliis, Patribus, Atque Aliunde Desumptas, Expositi**

Opus, Tum In Rebus Obscuris Claritate, Tum Dispersis Collectione ac
delectu, in contrariis conciliatione, eximium, simulque Indicibus ac
Præfationibus, Notisque quamplurimis & exquisitis illustratum, ; In Tres
Tomos divisum

Complectens Prolegomena Ad Jus Canonicum In Se Et Universim
Consideratum

Gibert, Jean-Pierre

Coloniæ Allobrogum, 1735

Cap. XV. Nova Monumenta Autoritatis Secundi Ordinis in Synodo
Diœcesanâ, desumpta ex Actibus Jurisdictionis, qui fieri debent cum suâ
approbatione.

[urn:nbn:de:hbz:466:1-74413](https://nbn-resolving.de/urn:nbn:de:hbz:466:1-74413)

fectus ipsum laterent, debereque non minus suæ correctioni, quam aliorum invigilare, quia sano Capite facilè membra curantur, reformationemque in Praefide ad emendationem efficaciter inferiores impellere, rogavit Synodum, ut eum moneret de iis, quæ reprehensione digna judicaret, sive in illo, sive in Ministeris, promittens se quamprimum consilia data sequaturum.

Cum Abbates & Canonicis Ecclesiæ Metropolitanæ respondissent nihil ab ipsis ardentius desiderari, quam ut Archiepiscopus cursum inceptum gloriòsè adimpleret, Ecclesiæ Collegiate exposuerunt se nimis pecuniarum subsidiis premi, quia, quamvis minores fructus perciperent quam Ecclesiæ Cathedrales, tantum ab iis exigebatur, quantum à Metropolitanis Ecclesiis, promisitque Archiepiscopus se eorum supplicationis rationem habiturum.

Suffraganeus Archiepiscopi sequens exemplum, rogavit pariter Synodum, ut eum moneret, de his quæ videret sua in agendi ratione reprehensione digna, se monitis obsecuturum promittens: respondit Synodus ab eo minimè peccatum fuisse nisi in eo quod non sequeretur ordinem præscriptum jure pro Ordinationibus, modo eas anticipando, & aliis in occasionibus eas retardando. Cui querelæ cum respondisset, id à se necessitate factum, sufficienter excusatus habitus est.

Tertiò: Statutorum Inscriptio innuit ea facta fuisse à Synodo.

Quarto: Archiepiscopus, in præfatione Statutorum, declarat, se ea cum Synodo fecisse, quia credidit unumquemque Patrum à Spiritu Sancto fore illuminandum, secundum promissum Jesu-Christi, *Ubi duo vel tres in nomine meo congregati sunt, in medio eorum sum.* Si postea promittit pertinaces praefentes seu futuros Canonum censuris, & reformationis pena puniendos esse, id se facturum Synodi auctoritate fretum, adjungit.

Denique, si graviter infurgit in ingluviem, tunc in Clericis & in Laicis communem, id à se agi addit, quia sibi & Sanctæ Synodo visum fuit huic turpitudini ante omnia, utpote multorum malorum fonti medelam adhibere.

Denique quod attinet ad ultimum hujus Synodi Decretum, tria favent Secundo Ordini: 1. quia illud Decretum non fuit latum, nisi postquam à Patribus fuit receptum. 2. Omnia gesta ab Archiepiscopo per decem dies, quibus duravit Synodus, facta sunt consilio & favore Patrum Synodi 3. Observatione Decretorum reformationis ab Imperatore factorum & hujus Synodi Statutorum, additur, reformationem Diœcesis Treverensis posse ad perfectionem pervenire, quod & ab Archiepiscopo & à Synodi Patribus fuit confirmatum.

Post tot tamque gravia monumenta in Synodo Diœcesana Secundi Ordinis auctoritatis, possemus alia omittere; tamen tam grave hujuscemodi auctoritatis nobis suppeditat testimonium sanctus CAROLUS, in Oratione, quam habuit in prima Synodo, ut id silentio prætermittere non possem. Hic Eximus Cardinalis singulatim utilitates Synodorum Diœcesanarum exponens, inter alias observat, ab Episcopis decerni, quia regimen spirituale spectant, de consilio corum, qui illius regiminis sunt participes. *Hic, inquit, deliberatur de modis Legum similiiter observandarum, hic abusus, qui videntur in populo, disquiruntur, & opportuna eis adhibenda remedia statuuntur: hic demum præterita tempora cum futuris conferentes, & utrisque Decreta ac Constitutiones jam editas applicantes, culpas quidem deflemus præteritas, emendare vero in posterum deliberamus.*

CAPUT XV.

Nova monumenta auctoritatis Secundi Ordinis in Synodo Diœcesana desumpta ex actibus Jurisdictionis, qui fieri debent cum sua approbatione.

Triplicis generis homines à Synodo eligi debent, & à Synodo approbari. Porro: Electio est Jurisdictionis actus; consequenter, tres sunt actus Jurisdictionis, qui in Synodo fieri non possunt sine Synodi approbatione, & ut Clericis Secundi Ordinis confiat; quia solus Episcopus Primi Ordinis censensus est, inde oritur, à Secundo Ordine, in Synodo Diœcesana, aliquam exerceri auctoritatem. Porro, ratio quæ impulit ad dandam Synodo auctoritatem in ejusmodi actus; exigit quoque eam non privari auctoritate in iis, qui graviores sunt. Hæc consequentia probabitur, postquam statuerimus principium, ex quo naturaliter fluere videtur.

Tripli generis eligendi homines in Synodo, & cum Synodi approbatione, sunt, primò Examinateurs pro Ordinibus, pro Functionum Sacrarum exercitio, Prædicatione, Confessione, Sacramentorum administratione, pro Beneficiis.

Secundò: Tertes Synodales necessarii ad detegendos abusus, excessus & vitia, & alia quæque corrigen- da, ad hæc omnia Synodo denuntianda, dum celebriatur, vel Prælatis, qui his possunt mederi, antè Synodi celebrationem.

Tertiò: Judices, qui dignè possint adimplere Sanctæ Sedis mandata in litium judiciis, qui que meantur aliis anteponi.

CAPUT XVI.

Monumenta auctoritatis Secundi Ordinis in Diœcesana Synodo, ex Canonibus aut Statutis Synodatis deponpta, spectantibus Examinateurs eligendos in Diœcesana Synodo, & à Synodo approbandos.

Nihil antiquius habemus circa Examinateores, de quibus agitur, quam quod legitur in Capite XVIII. sessionis XXIV. Concilii Tridentini; cum enim præcepisset Concilium Parcerias conferri concursu, quod minimè potest fieri sine Examini eorum, qui offerentur, tanquam idonei ad eas gubernandas, providit, ut digni eligerentur Examinateurs; & ob hunc finem voluit, ut Episcopus vel Vicarius Generalis singulis annis proponat sex Synodo, ab ipsa Synodo instituendos & approbando, eosque eligi jussit inter Doctores aut Licentiatos in Theologia aut Jure Canonico, vel alios Cleri Viros seu Regulares, etiam ex Ordine Mendicantium, aut etiam Sacerdotes, qui ad id videbantur magis idonei, jurentque omnes ad Sancta Dei Evangelia, se quacunque humana affectione postposita, fideliter munus executuros.

Ut pecuniae cupiditas multum hac in occasione nocere potest, prohibet Concilium, ne aliquid accipiant Examinateors ab Examinandis, sub pena simoniae incurriendæ, à qua non poterunt absolviri, nisi Beneficia, quæ jam possidebant, deferant, & in habiles ad alia acquirendæ habeantur.

Concilium Burdigalense anni 1583, Capite 33. hujuscemodi Decreti executionem præcipit. Concilium Avenionense anni 1585, de Synodis Diœcesanis, integrum refert, excepta simoniae pena, quæ hac occasione admittitur, & addit, hos Examinateors adhiberi ad ordinandos examinandos.

Concilium Avenionense anni 1594, Capite 3. idem præcipit,